

De Kusin vun minger Fründin - et wor e löstig Dier - jedenfalls de Mutter vun däm besagte Nelli hatt Herring engekauf un hatt die - wie mer su säht - en et Wasser gedon, domet et Salz erusgeiht.

Se es dann enkaufe gegange, un wie se dann ömkom, wor se ehr Herring am Söke, de Herring wore fott. Ja.

“Nelli, Nelli, wo sin de Herring? Häs de nit die Herring gesinn?”

“Och doch, Mama! Ich han gedaach, 'die ärm klein Diercher, denne es et esu kald', un dann han ich die en et Bedd gelahrt.”

Un do logen die aach Herring nevvenenander unger dem Plumeau bes an der Kopp zogeddeck.

Arenz, Margot (84): *De Herring*

də kʊzi:n fvn miŋe fʂyndin ɿet vo:kə ləstɪʃ di:ɛ 'je:dənfals də mvtə fvn dəm bəza:xtə nəli hat hevɪŋ
ɿenjəkoɔf ɿvn hat di: vi mə tʂu ze:t ɿn_ət vase jədən dəmed_ət salz_əvʊs je:t zə ɿes dan ɿenkɔɔfə
jəjaŋə ɿvn vɪ zə dan 'ømkɔ:m vo: ɿɛ hevɪŋ ɿam zə:kə də hevɪŋ vo:kə fɔt ja nəli: nəli: vo zin də hevɪŋ
həs:ə nɪt:i hevɪŋ jəzɪn ɿɔx dɔx: 'mama ɿf:j:an jəda:x di: ɿɛ:kəm kleɪn di:ɛʃə dənə ɿez_əd_əzʊ kalt ɿvn
dan han_ɪʃ di:en_ət bət jəla:t ɿvn da lɔ:xən di: ɿa:x hevɪŋ nevənənande ɿŋə dəm 'plymo bɪz_an də
kɔp tʂo:jədək